

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA TATU

KIKAO CHA KUMI NA TISA

13 MEI, 2016



ORODHA YA SHUGHULI ZA LEO

MKUTANO WA TATU

KIKAO CHA KUMI NA TISA – TAREHE 13 MEI, 2016

I. HATI ZA KUWASILISHA MEZANI:

WAZIRI WA MAMBO YA NDANI YA NCHI:

Randama za Makadirio ya Mapato na Matumizi ya Wizara ya Mambo ya Ndani ya Nchi kwa Mwaka wa Fedha, 2016/2017.

WAZIRI WA HABARI, UTAMADUNI, SANAA NA MICHEZO:

Hotuba ya Bajeti ya Wizara ya Habari, Utamaduni, Sanaa na Michezo kwa Mwaka wa Fedha, 2016/2017.

MWENYEKITI WA KAMATI YA HUDUMA NA MAENDELEO YA JAMII:

Taarifa ya Kamati ya Huduma na Maendeleo ya Jamii kuhusu Utekelezaji wa Majukumu ya Wizara ya Habari, Utamaduni, Sanaa na Michezo kwa Mwaka 2015/2016 pamoja na Maoni ya Kamati kuhusu Makadirio ya Mapato na Matumizi ya Wizara hiyo kwa Mwaka 2016/2017.

MSEMAJI MKUU WA KAMBI YA UPINZANI JUU YA WIZARA YA HABARI, UTAMADUNI, SANAA NA MICHEZO:

Taarifa ya Msemaji Mkuu wa Kambi ya Upinzani juu ya Wizara ya Habari, Utamaduni, Sanaa na Michezo kuhusu Makadirio ya Mapato na Matumizi ya Wizara hiyo kwa Mwaka wa Fedha, 2016/2017.

II. MASWALI:

OFISI YA RAIS (TAMISEMI):

155. MHESHIMIWA KITETO ZAWADI KOSHUMA (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Shule nyingi katika Wilaya ya Ilemela hususan Shule za Msingi zina upungufu mkubwa wa madawati:-

- (a) Je, Serikali ina mpango gani wa kuhakikisha kuwa hakuna mwanafunzi anayekaa chini wakati wa masomo;
- (b) Je, Serikali haioni umuhimu wa kuweka karakana kwa kila shule ya msingi katika Wilaya ya Ilemela na kuwatumia vijana wazawa kutengeneza madawati ili kuepuka tatizo hili sugu.

**156. MHESHIMIWA COSATO DAVID CHUMI
(MAFINGA MJINI):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Hospitali ya Mji wa Mafinga inahudumia wakazi wa Halmashauri ya Mji wa Mafinga na Halmashauri ya Wilaya ya Mufindi na pia Wilaya jirani za Mbarali na Iringa Vijijini lakini pia iko kandokando ya barabara kuu, hivyo kukabiliwa na mzigo mzito wa kuhudumia majeruhi wa ajali zinazotokea kwenye barabara hiyo kama ile ya Majinja:-

Je, Serikali iko tayari kuiongezea Hospitali hiyo fedha na watumishi mara mbili zaidi ya kiwango inachopata sasa iweze kuwa na uwezo wa kutosha kukabiliana na mzigo wa kazi.

**WIZARA YA AFYA, MAENDELEO YA JAMII, JINSIA,
WAZEE NA WATOTO:**

**157. MHESHIMIWA RUTH HIYOB MOLLEL
(VITI MAALUM):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Kwa muda mrefu Serikali imekuwa ikipeleka viongozi na wananchi wengine nje ya nchi kwa matibabu yanayohitaji utalaam wa hali ya juu:-

- (a) Je, Serikali imetumia kiasi gani cha fedha kwa matibabu nje ya nchi kuanzia 2011 – 2015;
- (b) Je, Serikali imetumia kiasi gani cha fedha kununua vifaa tiba vya kisasa kwa ajili ya Hospitali za Mikoa ambazo kwa sasa zimepandishwa hadhi na kuwa za rufaa.

**158. MHESHIMIWA MWANTUMU DAU HAJI
(VITI MAALUM):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Hivi sasa kumeibuka wimbi kubwa la wagonjwa wa Kisukari na miongoni mwa waathirika ni wanawake wenye kipato cha chini:-

Je, Serikali ina mpango gani kuhakikisha upatikanaji wa dawa za Kisukari katika Zahanati na Vituo vya Afya vya Serikali ili kusaidia watu wasio na uwezo.

WIZARA YA MAMBO YA NDANI YA NCHI:

**159. MHESHIMIWA HAWA SUBIRA MWAIFUNGA
(VITI MAALUM):**

Atamuuliza Mheshimiwa Waziri wa Mambo ya Ndani ya Nchi:- Kumekuwa na ukiukwaji mkubwa wa maadili ya Utumishi ndani ya Jeshi la Polisi kutokana na hilo Askari wengi wanaonekana

kukosa weledi kwa kujihusisha na matendo yanayokinzana na maadili ya Utumishi wa Umma:-

(a) Je, Serikali inachukua hatua gani kuhakikisha kuwa Askari wasio na sifa wanachukuliwa hatua;

(b) Je, zoezi la kuhakiki vyeti vya Askari wasio na sifa ndani ya Jeshi la Polisi limefikia wapi.

WIZARA YA KILIMO, MIFUGO NA UVUVI:

**160. MHESHIMIWA JACQUILINE NGONYANI
MSONGOZI (VITI MAALUM):**

Atamuuliza Mheshimiwa Waziri wa Kilimo, Mifugo na Uvuvi:- Kumekuwa na changamoto kubwa katika Mkoa wa Ruvuma ambapo vocha na pembejeo za kilimo zinazotolewa zimekuwa hazitoshi na wakati mwingine kuleta mgogoro kwa Wananchi wenyewe kwa wenyewe:-

(a) Je, Serikali ina mpango gani wa kuongeza pembejeo za ruzuku katika Mkoa wa Ruvuma;

(b) Je, ni kwa nini Serikali isiondoe kodi kwenye pembejeo ili wananchi waweze kununua wenyewe pembejeo hizo kwa bei nafuu.

WIZARA YA MALISILI NA UTALII:

161. MHESHIMIWA ELIAS JOHN KWANDIKWA (USHETU):

Atamuuliza Mheshimiwa Waziri wa Maliasili na Utalii:- Serikali imekuwa ikitumia waajiriwa wa muda (vibarua) ambao hawana ujuzi, uadilifu wala taaluma ya uhifadhi:-

- (a) Je, ni vibarua wangapi walitumiwa katika Hifadhi ya Kigosi kwa kipindi cha miaka mitano (2010 – 2015);
- (b) Je, Serikali ilikuwa imetenga kiasi gani cha fedha na ni kiasi gani kililipwa kwa vibarua hao.

WIZARA YA UJENZI, UCHUKUZI NA MAWASILIANO:

162. MHESHIMIWA MASHIMBA MASHAURI NDAKI (MASWA MAGHARIBI):

Atamuuliza Mheshimiwa Waziri wa Ujenzi, Uchukuzi na Mawasiliano:- Barabara ya kutoka Maswa Mjini kupitia Kijiji cha Njiapanda mpaka Mwigambi inajengwa kwa kiwango cha lami na barabara hii inaendelea kutoka Kijiji cha Njiapanda kupitia Mji Mdogo wa Malampaka Mwabuki barabara hii ni muhimu sana kwa

shughuli za kibiashara, kiuchumi na kijamii kwa wananchi wa Maswa Mjini, Mji mdogo wa Malampaka na Wilaya ya Maswa kwa ujumla na inaunganisha Mkoa wa Simiyu na Mwanza kwa upande wa Wilaya ya Kwimbe:-

Je, Serikali ina mpango wa kujenga barabara hiyo kwa kiwango cha lami kutoka Njiapanda mpaka Mwabuki.

**163. MHESHIMIWA JOSEPHAT SINKAMBA
KANDEGE (KALAMBO):**

Atamuuliza Mheshimiwa Waziri wa Ujenzi, Uchukuzi na Mawasiliano:-

Je, ni lini Serikali itafufua barabara ya Mkoa wa Mbeya kwenda Kasanga Port pamoja na kivuko cha mto Kalambo ambayo pia ni ahadi ya Mheshimiwa Rais.

**WIZARA YA ARDHI, NYUMBA NA MAENDELEO YA
MAKAZI:**

**164. MHESHIMIWA ABDALLAH ALLY MTOLEA
(TEMEKE):**

Atamuuliza Mheshimiwa Waziri wa Ardhi, Nyumba na Maendeleo ya Makazi:- Bunge liliridhia nyumba za NHC zilizowekwa katika kundi A

ziuzwe, kundi B zikarabatiwe na kundi C zijengwe upya:-

Je, ni kwa nini hadi leo baadhi ya nyumba zilizoagizwa kuuzwa hazijauzwa kwa wapangaji wake.

III. HOJA ZA SERIKALI:

WAZIRI WA HABARI, UTAMADUNI, SANAA NA MICHEZO:

Kwamba, Bunge sasa likubali kujadili na kupitisha Makadirio ya Mapato na Matumizi ya Wizara ya Habari, Utamaduni, Sanaa na Michezo kwa Mwaka wa Fedha, 2016/2017.

**DODOMA
13 MEI, 2016**

**DKT. T. D. KASHILILAH
KATIBU WA BUNGE**